

TNC5422/2310

4

16202



46402

西門集卷六
 言律下
 家兄生日於一煙席中和劉觀復作
 坐上宜群優適玉知非又八年桃實正來花
 松壽只在竹林邊香英騰會逢劉阮世事開
 謝玄光常看酒醒初熟木老間居樂更偏
 和家兄春酒樓之信兼示稚子姪
 且隨光陰生現樓來至倚春輝通窺深下余

龍門集卷六

七言律下

家兄生日於二姪席中和劉觀復作

紫薇堂上宴群僊
蘧玉知非又八年
桃實正來花萼裡
松聲只在竹林邊
耆英勝會逢劉阮
世事圍棋付謝玄
况當菊酒釀初熟
未老閒居樂更偏

和家兄春暉樓之作兼示君孚姪

萬戶韶光啓曙扉
巍樓東望倚春暉
遙窺浴日分

四谷山人侯一麀

哈佛大學哈佛燕京
圖書館珍藏印



滄海四顧浮雲合翠微
擬池塘生夢草
看詩禮奉庭闈也知天地恩
波濶且向花前戲綵衣

春日侍宴春暉樓和南華令尹

吾兄長是抱先憂
贏得歸家鬢未秋
廊廟總來丹壑裏
江湖只在碧池頭
高花凌日當窻出
遠樹依雲接檻浮
陶令新詩兼酌酒
何須秋色庾公樓

端陽家兄泛舟時禁競渡得飛字

蘭橈蒲酒試荷衣
共道端陽是也非
村鼓聽來此日急
鳧車憶向舊年飛
綠疇低樹浮天翠
白水沉

雲蕩日暉不是吾兄同
野老焉令海鳥亦忘機

夏日侍家兄宴會五老奉紀

雨餘高閣片雲輕
綠野筵開得五更
談笑清風花外轉
絃歌白雪髮邊生
身閒不羨天工貴
機息偏憐野老情
更喜吾兄頭尚黑
何論司馬洛中英

奉和家兄卽事示兒之作

共看馴鹿擾芳園
西伯深仁此復存
飲向沼魚真物躍
鳴依雲鳥任飛翻
曜質自呈仙客瑞
懷瓊偏荷主人恩
願躋趾角振振詠
非必隨車兆豈播

奉和蔣翁卜居城西之作翁以邇松莊舊宅
因有感也聊復廣之

莫訝春來又卜居漁郎洞口好忘機
花邊僻巷藏
酤肆竹外澄潭出釣磯
還爾蔣翁門徑在從他許
伯傳人非只今第一山前路獨遶青松鎖翠微

東越水閣談經因出奇文且勗余以用世之
學奉答

水浮花閣雨紛紛相對談經得未聞
魯國何人宗
孔彥漢廷計日待張文正多席上懷珍侶亦有墻

東避世群幸際明時君努力余今去住任浮雲

寄少華

三望文藻冠荊州笑我裁詩感舊遊
正羨青雲應
入閣詎須暇日復登樓煙霞有興吾將老江海何
心水自流莫道沉痾今少愈煩君針砭數相求

項泉村隱士托友人寄至閒居雜詠寄答

若爲詩札倩人傳說住青山綠水邊
情性總歸桑
落酒生涯半在白雲篇雁門自古輕縫掖金笥于
今重伯騫愧我爲儒何所拔空知屣履到君前

寄和夏日集謝客巖下松亭瑞栢軒中賞玩
夏蘭得山字

羨君消暑出塵寰白石蒼松落坐閒風擁濤聲喧
綠樹日含秋色冷青山瑞庭古翠符蘭玉主人栢
瑞之歲
生花徑幽香襲佩環不待親賢來促席寸心曾傍
斷金還

答包處士友梅

嗟君肥遁是何年此日新詩向我傳詎有玄文開
草閣誰能辭賦獻甘泉忘機汲灌緣瓜圃嗜酒躬

耕是秋田墟里野翁多借問不妨同泛浦中蓮

夏日抱病不及時候大中丞王公聊獻此作

新雁龍驤畫錦歸舊乘驄馬倍光輝門凝麗日融
珠履坐潔秋霜凜繡衣副相招賢開館閣野人多
病臥滄磯自憐拓落今如此徒望青雲護紫微

斗源雅談禪攻詩比念其先志也而專精經
學焉余既喜之而戲索其禪詩云爾

獨抱遺經坐夜分新詩禪義許誰聞伯魚不厭兼
通禮鉅鹿應嫌祗好文白月照迴超苦海清風吟

罷卷浮雲蹇余晚得煙霞思聊把瓊枝一贈君

寄九岳道丈九岳嘗傳無覺道人語謂余爲人極好但猶未免著相因答之

逢君長是說雲山授我禪機與閉關身外是非塵裡夢眼前空色鏡中顏上界丹霞迷洞口中天白日在人間遺經了自未能讀試問阿難何處還

寄題淵澄閣贈吳親丈

青山郭外宅偏幽翠竹河邊更起樓湖曉曦輪開匣鏡沙寒新月映簾鈎白雲遠思澄秋水曠野閒

心狎海鷗幸以葭葦看玉樹朗然真覺寶珠留

答顧山人卜居

真若山水遠風塵野客頻來幾問津我愛梁鴻高士傳誰當陶令素心人竒文見許須移宅做廡相逢且寄身只恐蒲車徵隱逸又應不得少停輪

題歸隱館贈陳鹽司

夏雨陰陰晝自寒蕭閒長日倚闌干簷前古木千尋起竹外清池一鑑看魚鳥機忘野老席琴書清映水晶盤閉門謝客不冠帶何用山中問考槃

江上送黃先生教安吉州

江上潮來渡口分，正歡師表愴離群。
心澄千頃隨流水，身在扁舟共白雲。
湖學兩齋行自見，漢廷重席坐應聞。
諸生不奏驪駒曲，獨可絃歌一贈君。

送中丞王公巡撫貴州

橫海旌旗拂紫雲，翻濤鑊鼓靜三軍。
埋輪已畢巡行奏，授鉞今開督撫勲。
暫到夜郎綬，徼服好迴聞。
足輔明君書生謾，獻安邊策采芑何論草檄文。

贈車將軍防海

出師身自御樓船，誓掃鯨鯢報所天。
風撼濤聲喧鼓角，雲翻海色耀旌旃。
游兵豨突趨烽火，殘寇豺奔噴磧煙。
不信將軍功第一，試看春野樂農田。

送劉將軍應軍門檄召

躍馬鳴弓賸賦詩，將軍年少擅竒資。
秋風海色耀金甲，寒日山雲拂羽旗。
獻策定肅元老意，登壇應荷聖朝知。
只今民力東南竭，但願絃歌易鼓鼙。

秋夜對月奉懷西園

遙憶冥鴻度秋月，坐驚栖鵲起庭柯。
澄影照空應華

沼得清光偏爲茂松多林苑白雪銷殘暑閑
雲接絳河懸料西園多勝賞獨違飛蓋意如何

春暉樓眺江上山作限韻

花間紫閣俯城陰海上青山入坐深蒲郭寒雲飄
戶牖萬家秋色映園林憑虛已自豁幽性眺遠翻
令生隱心寧獨惠連知此意高山流水有餘音

奉和家兄水亭枕上作

雲磐高臥動鴻吟風雨蕭蕭滿舊林半世樂天秋
自壯一燈懷古夜方深孔經日邁忘年老姬夢宵

無只道心第亦齋居甘寂寞達生况此奉徽音

九月六日述懷

夙^言鷄鳴懷二人惟兄與弟更誰親菊觴此日薰
重九彩服明年戲六旬喜懼關心情自篤邁征求
善意逾真但教玉樹階前茂歲歲連枝護大椿

九月家兄第十二孫滿月諸賓友兄弟共賦

朝字

菊花酒熟薰蕃椒不辨群孫喜色饒奕葉竹林原
共本連枝玉樹遠分條百男自合昌文胤焉不誰

云老漢朝客擬華封稱祖德吾兄長自荷仁克

九月十四日留雲亭登眺限韻

只道飛亭仄徑懸不知身在白雲邊天圍曠野千
村色日散秋城萬戶煙孤嶼中流平似掌長江東
去直如弦謝公巖畔留餘菊坐對群山憶往年

寄題玉映樓贈王憲副

翠微擁入畫樓間高臥藏書早閉關紅日簾櫳浮
北極白雲心目滿東山庭前玉樹千枝映洞口仙
芝五色閒正是槐陰王氏宅朗然奎壁照人寰

巳巳九月家兄携諸友宴集江心水陸閣限
遊字

輕鷗遠雁飛沙洲細雨寒煙滿渡頭雲樹帆來超
彼岸海門潮落急中流幾年初地成茲會尊酒良
朋感昔遊已悟禪心江上寺更從康樂思悠悠
家兄宅適至牟蓮峯詩帙讀得欲遊孤嶼之

作因答贈

桃花渡口憶天台棣萼枝頭紫氣來錦字喜傳青
鳥至停雲心對赤霞開秋山叢桂囊中出綠水芙蓉

蓉掌上迴不見題詩遙寄訊誰知更有浩然才

初冬清虛亭對山上菊得花字贈張見吾

翠竹迴廊一徑斜赤松虛洞列仙家雲迷白羽疑
縈雪水逗文魚似散霞上界自饒彭宅菊東籬何
減武陵花憑高更見長河起可是張騫欲泛槎

清虛亭聞山中樂得飛字

只道鶯聲歷翠微從知仙樂在巖扉竹絲色裡花
能語金玉音中石有輝變調忽憐流水咽回身更
訝彩雲飛若非緱氏山頭聽定是遼陽華表歸

問禮堂詩爲玉洞昆季賦

槐堂朝啓肅趨庭東壁宵占映德星戴氏弟兄濔
禮堂韋公父子舊傳經鞠躬已見刑閨閣大議行
看對闕廷不是同門私淑問異聞那得與人聽

答朱廣文用韻

漁郎洞口足垂綸飲水看山不厭貧自是沉疴甘
晦跡敢言別足且藏身廣文何意偏相憶藻賦傳
心倍見親共道中朝重經術擬從桃李望征塵

贈陳貞亭公比部

玄湖瀲灩白雲平古木長堤遶鳳城望裡
玉鏡吟邊水石動金聲訟庭鳥下高槐靜畫省鳥
啼片月明感遇此時端有作懸知不負子昂名

答金三州公鄉丈

聞君獻賦動明光於我迴車勢欲忘上國夔龍紅
日裡東嘉鳧雁白雲鄉調竒已自高山仰意遠况
日流水長爲問何時還畫錦甌漳原接一滄浪

贈徐甌海茂才

高士南州久已稀不知孺子是君非怡親飲水非

關祿與婦爲炊獨有薇力踐孝廉身自遁心甘仁
義貌偏肥恠予亦復頻懸榻相對啣杯共息機

夏日適園陪三州公燕集賦心字

夫君膚遜暫抽簪坐久高風滿竹林驟雨浮雲變
天色渚鴻谷鳥感人心興憑野客倦還奕情與溲
親醉復斟定自有能辯和玉懸知不問買山金

題雙松書院用韻

世外浮榮不繫思端居守道復何爲閒來偶撫松
雙樹客至聊傾酒一卮蒼雪壓簷藏巨棟汗風拂

坐動連枝高節雖從凋後尤貞心詎待歲寒矣

九日春暉樓限先字

何事登山眺遠天危樓四顧已悠然
萸囊坐括乾坤候菊酒行添草木年
窮歲傲霜甘自後重陽冒雨欲誰先
蹇予亦抱東籬思醉獻吾兄上壽篇

秋興八首用前人韻

三見霜花綴鶴林俄看風葉徧庭陰
閒門自狎清秋色壯志偏驚蟋蟀音
身賤敢忘葵藿慮家貧空抱解推心
獨餘幽意同樵牧孺子能和梁甫吟

津頭衰柳遡風斜陌上芙蓉映日華
書帶色縈露草白衣人就傲霜花身輕
烏鳥思天地心拙鴈鳩百室家共道晚
禾憂未穫鬢如蓬葆思如麻
嬾散秋來尚綌衣淒其風色蒲柴扉瓠
非五石才無用道似三閭跡靡依華歲
已隨流水去寒山遠送白雲歸迎門願
對忘機客莫遣沙頭漚鳥飛
皇天賦命復奚疑蕭瑟寧論宋玉悲
秋樹詎能無落葉寒松還自有連枝
北堂色養非關祿南阮單貧總解詩愧
我迂疎無所似也煩康樂夢永池

競傳鴻寶駐紅顏古帝龍輶不可攀
虛盡翫中翼真跡幾勞海上望
蓬山祠官方士終何用姹女嬰
兒總是閒春去秋來誰不老
神仙只在戶庭間秦淮自傍御溝流
宛似天河隔女牛紅葉在隨烏
鵲渡青雲只繞鳳皇樓蛾眉幾掃長門月
蟬鬢長疎上苑秋隨分歸來理絲織
任教涼吹下機頭三玳山外北溟通
原仗樓船馭遠功金鼓聲停鯨浪
肅旌旗影颺海雲空廿年戎士輸將處
萬戶黎氓杼柚中已辦繁霜葛屨在不
因寒素怨秋風

西風蓬徑蕭蕭處寒雨書窻寂寂時
甘得清涼自有樂解尋炎熱欲何爲
向長損益聊貧賤韓愈文
立止凍饑擁膝獨吟聊復爾由來千載
有心期

裕翁夫子教席得觀先公墨妙奉獻二首

風動霜臺古木清香凝東閣絳紗輕
宣尼庭外聞詩禮范老胷中富甲兵
明徹鳳棲開枳棘化行兔野遍千城
猶煩吐握搜遺逸自愧窓間老一經
經授韋公會奕世書傳子敬總名家
吟邊擲地齋鳴玉箋上流雲筆吐花
悟學許誰方卜夏吟去還

自愧侯芭猥從桃李門前植欲報生成詎不泣
訪黃省菴公江心水閣宴集與家兄舍弟賦

同字

使君高蓋駐禪宮一眺秋江兩眼空對酒群山祇
自得題詩孤嶼許誰同多慙郭泰知黃憲浪擬辛
何和謝公落日倚闌情轉劇孤雲曳舫意難窮

江上奉別胡侯

風動千旄颺客舟岍迴汀樹引離愁高山每駐深
仁仰巨壑長懸沛澤流紅日舉頭霄漢近白雲

首海天秋窮黎莫更啼扳卧驄馬重來慰舊遊

送文厓兄謁選得榮字

聖朝毓秀重膠橫吾族摛文推哲兄經學不知奪
幾席孝廉端擬淑諸生頻年春草淹歸思萬里青
雲屬去程小第閉門忘出處不才非敢薄時榮

懷俞小山賦寄

尋君幾造柳灣東脩竹千竿一畝宮撼撼嚴寒仰
高節蕭蕭長夏挹清風縱遊峯壑雲常蒲薄藝湖
田歲半空莫謂傳經頭欲白漢廷還自有日公

七言排律

春日抱病客有爲言王水部西園逍遙之樂者不覺躍然賦長篇寄之

君辭柱下是何年歸去西園樂事偏不道名花猶
滿地却看小木已參天攢巖入戶如金谷流水通
渠似輞川鶴色翔雲翻舞袖鳥聲吹籟韻歌絃城
山豈少爲園地屋裡翻多種秫田消日坐間留酒
伴延年海上至神仙嗟余強壯當春卧羨爾逍遙
徹夜旋夢見王維倚樹處曾隨蝴蝶到花邊

初冬家兄適園紫薇樓新成命賦

紫薇花下一身輕高閣雲中萬慮清城外青山豁
遠巖前綠野待春耕池開花樹仙源色坐落松
濤秋雨聲菊酒親朋無限興瑤琴山水有餘情同
欣江海波初霽永祝鈞天日轉明媿我伊蒿其自
棄猶歌棣萼奉吾兄

五言絕

浦東雜詠

一室大如斗妙無而微有卽此諧道心水月一虛

慵
右清靜軒

湖上秋風吹颯颯幽篁裡青鸞他自飛竹色在寒

水
右竹坡

御苑煙中細邊城月裡吹一入輞川逕春風拂地

垂
右柳逕

白雲長自閒作雨向人間今日同招隱依然滿舊

山
右白雲嶺

獨往渺何處忽與清風遇偶遲同心人惆悵花間

路
右獨往逕

遙遙原上村蒼翠如屋裡堪嗟武陵人遍歷桃花

水
右外村

路可橫大河河上起臺館流水如有情到門亦閒

緩
右河上臺

遊康園詩和黃南華得八首

咫尺做名園幾年仍一寓花明上客旃草沒遊人

步

曲塘隨步遠喬松入望深誰知今日宴偏感昔時

心

地古花成樹水暖石生雲憶得芙蓉發花前幾見君

近俯巖前耕遠看郭外山雲山如有意偏對主人間

西庄常自鎖康園日不關松筠亦何減花路入人間

別館剩栽花茲園餘種菜嗟予藜藿資見此偏成愛

是處總君勞看來翻我有時遣一心遊吾到君知

否

叔度本忘言深遠知何處請看桃李蹊相將詎能

去

七言絕

登家兄樓望海望瀑二首

雲空沙曠鳥飛迴萬里滄波天倒開坐見群山遙
送酒不知何處訪蓬萊

丹霞遙望白雲邊瀑布雙飛萬縷煙只是高懸西
嶺背那知倒挂北樓前

送陽谷子令靖江有序

伯氏見鶴子季後橋子咸賦詩俾僕和之自愧非羊何而繼謝以巴里而吟春譬彼雕蟲聊附鳴鳳偶成四章用申一別

聞君曉夢別春池垂柳飛花盡結絲莫訝羊何慙繼和謝家兄弟總能詩

鴈行天上綴鷁聯旌佩如雲拂紫煙豈待雙鳧化爲鳥登舟誰不羨神僊

碧海瀛洲雲作島靖江仙邑水爲鄉欲知他日長

城寄請看中流砥柱彊

海上潮來不見天壚頭沉醉各茫然縱令一別成千里忘却春風送客船

競渡曲

青煙橫拂五雲旂一片洪波倒翠微頃刻鼓聲何處盡天邊遙見六龍飛

新水浮雲不見天畫船處處匝龍船誰家少婦輕回首忘却臨流落翠鈿

雙門

城邊古驛向江開曾是甌王玉輦迴多少豪華同
逝水雙門惟見海潮來

江心寺

長江東注不知還世上浮榮只等閒合有慧船能
渡海從教流浪欲浮山

棣華館分咏菊三首

東籬上苑一般開衣白袍黃兩色栽不是薇堂通
棣館如何屋裡見金臺

右御袍黃得開字

明報瓊枝第一春早看仙圃起紅塵非關元亮耽

寒節蘭玉階前已有人

右狀元紅得春字

一從霜月隨青女無復吳宮醉絳裙好借浣紗溪

上水永傳僊液壽吾君

右醉西施得裙字

答南華速茶之作二首

貫煮龍團生碧雲松風花雨坐來聞鴈湖歲歲携
春色雀舌時時持贈君

烹時便覺津生舌啜罷偏令筆吐花可是相如別
有渴錯教陸羽爲煎茶

和中川得曾孫孫字韻二首

重重玉樹護椿萱黑髮斑衣已抱孫從此雲仍還
繼武何須方外問桃源

宰相山中亦自尊蕭公還道愛曾孫一堂四世兩
重慶况復儲書業後昆

龍門集卷六

龍門集卷七

四谷山人侯一麇

設論

道對

或問君臣之道於龍門子龍門子曰大哉問乎夫
知天地之相倚乎曰知之知地之不獨成乎曰知
之故夫物之生于地也必天爲之鼓舞發育而後
有以全其仁也民之入于臣也必君爲之範圍曲
成而後有以成其功也故曰天地交而後泰君臣

合而後成昔者堯舜以禹稷爲股肱禹稷以堯舜
爲元首元首明則得人股肱良則育人故曰上下
一體君臣一心萬世常行爲天下經至于堯禪舜
舜禪禹而巢父許由則逃之湯武放伐而伯夷叔
齊則耻之或曰巢許之尊堯舜禹不過也夷齊
之尊周雖周召不及也彼逃君臣者不必非善乎
君臣者也雖然舍舜禹周召之爲臣而皆務巢許
夷齊之行焉則天下又幾於廢矣敢問父子之道
曰嗟乎今天下之爲父者吾見其難也已吾甚傷

夫爲子者何謂也曰天下知慈而不知孝知子而
不知父雖甚愚者莫不愛其子也而智者則益求
其子然而能求其父之求於我者吾未之見也斯
不亦大可哀耶又有甚者傲遺行而甚之也其心
必曰吾夫子則嘗爲之矣此之謂父析薪而子殘
木父不亦難乎曰今天下之薄於兄弟者何也曰
由不知孝其父故不知敬其兄由過於愛其子故
不知愛其弟失一體之義者也何也吾之體父母
之體也兄弟之體父母之體也是一體之義也今

夫一目瞽而猶幸一目之明焉一足蹙而猶賴一足之行焉是一體相須之道也故不愛兄弟而愛路人是廢已之耳目手足也而望人之耳目手足爲已用乎且也已之耳目手足也而亦效之人而可乎此之謂一體而背馳曰君子而重閨門之化何也曰婦子嘻嘻故多柔闇也妬也悍也驕奢也彼柔闇攻吾不明之疾也彼妬攻吾好色之疾也彼悍攻吾好剛之疾也彼驕奢攻吾好貨之疾也是以君子思所以反之反之以言則爭反之以怒

則對反之以身而後化故君子慎脩其身而家可知也觀於其家而國可知也曰友之不爲友者何也曰古之交也以輔德講習次之救過次之通財次之今也則亡皆反古之道而務彌文交者也方游宴面諛相慕說之不暇而暇攻過乎哉此亦由於嗜之者異也是以伎吝成俗徇已執有故朽貫腐粟而不忍貸趨利避害而不一引手嗟嗟乎友道之所以亡也弗思耳矣誠思之則君臣父子兄弟夫婦之道皆賴朋友以有明也故友也者自天

子以至于庶人一也

擬解

客問主人曰蓋聞齊人不能反楚語而刺繡不如倚市是以達士隨俗君子趨時珠吐澤而見含玉雖刑必復之魚潛藻而志餌棣華翩其翻而今夫富貴者生人之至願功名者夙夜所孳孳也而吾子不憚抵牾動與俗異人競曰利而子稱仁義人附權勢而子問善類人謂雄豪而子述孝弟不知從諛而顧諒直無事衒鬻而但縮避處貧賤而不

憂其淡泊以自棄名不掛於甲科身不求乎試吏尚猶兀守一經窮年諸子卑飭庭戶推讓鄉里見人所苦如痾諸已公正發憤數進逆耳旣力施而不辭反刻廉以自憙且事事責實絕慾屏累言性命語太始時行時藏燭彼闇此河清難俟徒自苦爾盍亦改轍卽途一遵俗軌與時消息庶幾君子乎主人應之曰吾聞君子其服也鄉而其行也方欲變易以從道不欲同塵而和光若客者其殆馳奔車之駟而闖仲尼之堂者耶請推其原聊以相

直蓋天以鎮人爲名命以至善立德人以宵天有躬行以體乾自惕昔禹臯謨以執中箕子疇以建極易周流以隨時詩道性以陳則禮序彛倫樂消乖慝迄乎周末始相攘奪王綱墜聲教蔑天文虧人道缺厥生至聖用且屢遏大道將行逢彼婦謁陰雨邐迥鬱其施剗周環轍跡復此深涉則孝友施政六經載綴而已是以老聃玄寂蓬累屏迹緣及尹喜流沙偕匿道在夫子故二老得自逸也降而戰國胥爭以力游說之徒風馳七雄之主電擊

從者合其離衡人解其敵於是孟氏自鄒獨明孔繇淑艾先聖賓師王侯彼富彼爵我則仁義休焉者也若夫莊周逍遙以辭相魯連肆志而蹶金顏觸保真以及璞蘧瑗寡過以克心叔度忘言於朋侶仲舒發藻于儒林幹著中論以潛隱愈倡原道于斯文雖皆蹈道之一體而不可謂無聞者也嗣後紛綸黨同習真迄宋諸儒性學乃醇况我明朝聖帝之試而多思皇之臣故士之進也則操衡而秉鈞使堯舜其君唐虞其民士之退也則明道而

脩身教行於隣黨政穆乎家人是以君子息德之
不建而不患祿位之不求慮性命之不復而不慮
容貌之不脩耻名實之不孚而不耻令聞之不道
糲食草蔬之是甘陋室窮巷以優游蓋用之則行
固不必樂林丘也舍之則藏亦何羨公侯哉然而
在獨伸彼而抑此務進而不知止於是君子云富
貴於我浮雲功名等之水漚耳若善之不敦道之
不明真吾徒之憂也故寧閉戶以著書無出世路
而趨趨寧袍布而帶常無庸玉佩而繡裾寧擯棄

如樗槁不爲萬乘之蟠株且聞人之善心誠好之
憤世之非詎意譙之匪直與人諒以反思雖臧獲
之下節亦兼采而不遺若名賢旣沒而猶默識其
行事雖沉淪之士問知其德則亦咨嗟云吾之師
也不及覲其人而庶見其子不必史紀之而必傳
傳之耳夫於人苦而痾諸已者心不能自解已也
於人過而必直者矯人面諛而背毀也隨貲靡財
以振困乏者適意也有諸已求諸人無諸已而猶
不敢非諸人治人而急自治也不廉則志節不立

而奢靡蠹廉故儉約以自給也不謙則忠言不入而驕盈損謙故卑下以求益也不遠色則精神不爽不去妬則賢賢不廣不誠則忽有而忽罔能厲廉而執謙寡慾而存誠則金玉積於山而心不爲之嬰矣麗都陳于目而精不爲之盲矣爵祿高天下而貧賤與之齊榮矣迺若客難答而名成於滑稽解嘲作而行墮於美新賓戲無補於目睫應問復思乎圖身達旨失意於遠去釋誨懷慶於王臣矧後人之紛作徒披靡乎清塵余誠不敢以文廁

數子聊娛斯道以有云

索處釋

甌越先生九華公子結侶聯鑣而過龍門之野初龍門有腐儒者治經弗售于時則喟然長息曰君子道二出處而已吾弗進殆退乎遂趨跡而索處澄神葆真卑已約身緼褐弗完屩履半穿饑食淖糜渴飲流泉先生公子覲之慨焉迺揖生而進之曰吾與若交一言可乎生曰噫余何言自分見棄于君子久矣今先生公子乃肯照臨鄙人鄙人敢

不傾耳而聆焉先生曰蓋聞人情莫羨乎貴榮莫
詬乎賤窮故落魄失時則親戚離別貴高門則疏
逃趨故云得失在自處用舍成虎鼠是故乘雲霧
而飛騰者龍蛇之所以神也假人脛而後至者珠
玉之所以珍也不佞欲授爾速化之術導爾捷至
之塗於生意何如生曰惟先生遂之先生曰達人
躡勢變之會智士炳朕兆之機事有所適至時或
弗可違且生試而却也何哉意者經固弗習與曰
習之習之則奚爲而弗售也曰才拙而運否曰非

然也夫卽禽乃獲鹿而株守則不得兔錢多卽通
神而邪步可以據要津一日不銜鬻長年徒苦辛
生瞿然曰惡先生是何言與不聞古之云乎捷徑
邪至不忍投步犀舟勁楫人涉邛否乎且當今

聖明誕敕百工網羅至密薪樵極公賄道粹絕私
門弗通君子守道固有困窮與其詭遇而得百無
寧範車而弗獲與其踰墻而樓處無寧定情於朝
雉先生曰然則王門相庭獨不可一屣履乎石渠
旦啓東閣暮企髦俊雲駭轂擊雷動濡毫脫穎擣

藻耀才圭璧此焉雕刻金錫借其鑪播悠悠白屋
士誰不願登黃金臺雖枉尺而直尋絙棖棟而成
材生曰相庭潭潭何如茅茨安安王門深深何如
蓬華陰陰且受人賜者畏其威乘人勢者分其危
吾弗能也先生曰未也亦聞輸貲者乎帝寵旣訖
名位亦都擁爾旌纛賁爾華輿鳴玉緩佩拖紫紆
朱坐暄寒谷馳耀里閭展采中外敢問所居生則
蹙然而興曰烏用是拘拘爲哉夫冠佩陸離則有
磬折之威儀輿服靡麗則有交際之人事奚裨于

氓徒束乎已誠不若野服之宜徒步之適耳於是
先生恂悒而嘆曰固哉龍門生也夫墨氏之鳶猶
能飛屈轂之瓠尙可鑽玉必珍於登用龍何愛乎
泥蟠苟佐治以迄民亦何問乎卑官生曰然所不
敢者愧非干將之質而爲鉛刀之試旣不可以解
牛而亦詎宜以割鷄且無心於干祿誠不若垂翅
乎故棲公子見生弗狎于先生也乃攝纓整襟而
前曰先生且休矣吾當探之以豔辭動之以至娛
遂言曰膏腴蔽野彫菰盈止金玉滿羸竒珍弗訾

雲屋霞堂錯瑤交鏤翠阜丹林浮舩戲泚四膳六
禽九沸五旨菊葉蘭英傾壘浮蟻耳倦哇童目怡
舞女文縠長裾繁飾輕綺左絲右竹擊鍾坎鼓寶
劍步光天驥雲龍師摯絃琴伶倫發音翠羽將意
便僻有人華麗逸樂不可殫陳凡備此者必仕而
後臻已生獨亡意乎生聞則益蹙爾曰心各有好
好詎同趣士農一揆工商殊技方守賤而甘貧詎
輕富而傲貴便芟裳與草衣奚華組而玉佩苟茹
糜而一飽亦何俟乎兼味居不必於崇堂聊風日

之可蔽琴雖具而靡彈尊時御而匪醉交野老以
逍遙望高軒而却避若夫逸樂之虞固余心之所
戒也玩好之珍亦曩度之所敗也故若先生之教
或一道而非我之所安至如公子則豔富妖靡而
尤吾之所愆於是先生公子默焉既退生迺就伯
氏而質焉伯氏若曰夫出處一道進退何常哉是
故君子躬危行以潔身跡混俗而群世師孔氏之
中行褊夷惠之偏廢時乎進也陋七人之遐軌時
乎退也卷二八之偉績人不能汨其精天亦何所

容其力奉斯道以終身夫何行而敢歎

貧賤答

龍門子既處約也廼心一無所爲若孩若愚桔槔俯仰虛舟遨遊呼之則動止之卽留譽之不以悅毀之不以憂常若有得然者或恠而問之曰子胡得而若是耶答曰吾得吾貧賤之樂也曰異哉吾聞貴富是人之所競也賤貧是人之所棄也子獨柰何拂人情而樂賤貧子徒妄爾龍門子悶然而起曰若以我爲妄也吾將爲若而妄明之若知夫

富貴之榮也而亦知其爲累乎知貧賤之困也而亦知其爲亨乎且也亦聞道德者固富貴貧賤之質而少私寡慾者又道德之基乎曰何謂也曰昔者堯舉天下授之舜若釋重負舜亦以授之禹若棄敝蹤天下大矣而聖君如遺者何也任重而憂殷也當是時苟有一夫之溺者一夫之饑者則不能一息而安其位况展采于股肱而盡忠于心膂者乎故古之君子非不審富貴也會其時而不得辭焉爾乃若孔氏漠浮雲顏生甘瓢飲曾輿見肘

而決踵原憲楮冠而藜杖雖則樂天並云懷寶皇
皇不已遜以婦口故古之君子亦非不欲去貧賤
也會其時而不得辭焉爾夫榮則累隨之困則亨
尾之榮而不足以爲累困而不失其所亨舍道德
何從哉故謂己之能道德者是自誣也謂己之不
能道德者是自棄也蔽于私汨於慾夫然後視聖
人爲絕德也好富貴而惡貧賤也耽逸樂而苦檢
束也是人也自以爲富且貴矣而不知其於富貴
也猶寄食於人也何則寄貴於人人能賤之寄富

於人人能貧之如此而富貴也則反不如貧賤者
之寄貧賤於天也寄貧於天天不能奪寄賤於天
天不能辱天且不能奪辱也而况于人乎故誠有
所得也則一室之內一卷之中將不勝其樂焉雖
食啖而有餘味也布素而有餘郁也如此則雖貧
賤何傷也誠無所得也則衆民之上廣土之中將
不勝其戚焉雖鼎食而猶不足於口也綺綉而猶
不足於體也如此則雖富貴無益也然而時之人
方且汲汲于進取營營乎積聚豈不亦惑甚矣哉

曰敢問少私寡欲之道曰口體而已矣夫貨利之於性與心至鄙也而其於口與體至急也故君子藐之有不難於千駟萬鍾而世人競之則至于豆箠刀錐使仁義絕親戚離故有志道德者必先輕貨利輕貨利必先薄所養薄所養則莫切于口體矣苟能菜茹之甘飴糲著之安舒等金玉于塵壤視軒冕于錙銖變化同死生齊舉天下萬物而皆不足移矣然則貨利將何所庸之有之奚裨以之振急崇義可也無之奚損由此窶空絕糧可也如

此則不愛不求而廉可立也靡取靡爭而群可久也知足無欲而致足樂也言公行果而道可幾也曰不伎不求如其足乎曰未也君子又有讓道焉蓋厚躬恕物之道也語云土卑而不爭高水下而不爭先謙也然山則土之積也海則水之鍾也故君子志惟恐其不高也身惟恐其不卑也非徒取其名而已也必將致其實焉而後卑而不可踰也高而不可量也皆由謙以至之者也故君子不可以不謙謙則虛虛則受不謙則發驕矜之色不

虛則懷自滿之心。驕矜自滿之色。拒乎人則至善。明德失乎已矣。

賦

省愆賦

余端居以興思兮。吾何幸而離彼棘榛。荷上帝之
牖余兮。俾一日而澡身。雖鈍昏之迷故兮。抑奮迅
之可新。固皇祖之世德兮。吾敢忝夫先人。繩紹庭
之遺武兮。借天顯以邁臻。思切偲之輔余兮。亦旣
沉愛而親仁。善曷微而敢忽兮。掇一介於采薪道。

焉往而弗存兮。庶百行於先民。亦竊自喜夫知耻
兮。故必割於操刀。手握絲其咸斷兮。曾何恡夫毫
毛。幸高岸之旣蹶兮。豈不迴睹乎洪濤。浩汗兮觸
搏地拔兮。天高駭岑岳之碓頽兮。曾何可以容舳
弗屑沒於窟穴兮。將掛胷於巖嶽。中欲泊之莫能
兮。豈不伊鬱於愛河。惟沉溺之漂激兮。雖欲罷而
無柰之何。是以靜虛存其神。勇智厭其魔。尹需受
駕於夜夢。飲非棄劍于風波。策疇見聃而重蹤。清
河勵處於蹉跎。跡罔微而弗顯。功曷少而弗多。彼

知惡而弗改兮。謂之大忘。耀夫珉之彫彫兮。何如
珮玉之章章。蹇孰遠而孰從兮。或尺短而寸長。又
何平而何陂兮。或豐蔀而隙光。故貴先醒而擇術
離華而躐實。衆人跌於疎。君子慎之。密繫獨巨海
之是虞兮。卽涔潦而猶墜。詎峻阪之足蹟兮。雖蝘
蛭而愈躓。蝨賊生於篋笥兮。戈矛起於衽席。戒門
庭之售欺。預蕭牆之隱感。何必深林之虎豹兮。與
茵露之虺蜴。吾心亦有狼毒兮。森對面之仇敵。喬
木拂於青霄兮。萌蘖始於累尺。鴻鵠發乎乎卵兮。

揮獵終乎雲翼。故聖人先事於幾微。而不留思於
逆億。巢木兮爾登。吾恐從下者代之懷。旣安危而
利菑。必直忤而忠憎。將呼往而發蒙。庶條達而曉
冷。嗟稟性之咸備兮。行烏可以愧吾形。苟心淵之
微涵兮。必忍渙而弗寧。何世路之多岐兮。賴前軌
以爲憑。惟朝聞而夕死兮。固聖域之所肩。苟一息
之尙存兮。敢不日慎。日于冥冥。豈泯默之儻身兮。
遂甘膚革之弗盈。雖霑雨之晦澍兮。聽晨鷄之好
聲。嘆川流之閱疾兮。懼學海之未成。若使此度之

可改兮卽九死而猶輕恒兢兢其恐失兮度要矢
乎神明

感知賦 有序

宗師裕翁夫子文武熙載中和陶德以辛未
之秋蒞鎮也而煦民繩吏冬暄夏烈選將厲
士雷動颺奮曾弗幾時庶尹旣孚遐圻遂穆
迺明年春擒倭海上獻馘莫府波恬塵蔑威
懷底定於是問巨猾搜積弊懸鑒坐照游刃
立斷旣嫺吏牘留情藝苑下交茂孝遠盼道

逸雖磨朽斷亦被青黃瞻謁道墻聆侍教席
罄見丹府披奉虛懷大哉夫子之誨也文自
誥盤迄于兩漢詩三百篇下逮晉唐尋繹往
哲詮品當世靡不精覈咸盡其理俾晷刻而
聞千古戶牖而窺天下旣駭目傾耳悅心服
膺矣至譚出處尤有意致大畧以進則紆其
功業退則寄之著述亦各其趣也而諄諄命
磨曰小子勗哉語云孝乎是亦爲政此真鄙
心之所庶幾非曰能之期以夙夜云爾因感

激于知己聊抒情于短述其辭曰

圓天圓而地方兮資含陰而吐陽效山實以川冲
兮際主聖而臣良清風鼓而雕虎出兮景雲屬
而神龍驟茂木暢而夏禽集兮綠水波而寒將翔
觀物性之各得兮知制行之何常或一貴而一賤
兮或用行而舍藏隘飛泉之維繩兮狹弛弓之弗
張固罔還于國寶兮亦詎庸思乎筐筐夫奚寵而
奚辱兮聊沈冥於蜀莊寧木枯而株朽兮敢見絕
於翟湯匪弗樂于干祿兮乃自耽夫躬耕省往者

之多僞兮期來日之小成祛忙侈之宿習兮其菲
敝之衣纓縱百思之所如兮惟周道之可行奉先
人之遺矩兮復相廟乎邁征肆求友于往哲兮頗
得師于遺經守賤貧於陋巷兮敢希覲乎明庭何
大人之體物兮每曠括而發矧鉅曠而弗總兮
細奚善而弗矜忘公侯之崇貴兮掇芥菓於薪蒸
雅望喬嶽以標起兮冲度巨海以恢弘惠澤兮層
雲之潤潔清兮皚霜之氷高思窮乎雲天微言模
乎聖賢籠古今于瞬息兮措寰宇于席前漱儒林

之道腴兮綴藝苑之瑤篇霏談鋒之玉屑兮協唱
和於朱絃理罔微而弗討言靡滯而弗宣與狂生
之坏遁兮授末學以圯編同天地之橐籥兮荷陽
漢之暴濯雖鄭賈之博採兮慙周人之懷璞顧局
噐於挈瓶兮敢希聲於鳴玉賴西伯之深仁無小
大而具足標棫樸而長菁莪兮仰鷲飛而俯魚躍
萃六師之邁征兮晏蒸黎之耕鑿願壽考而章天
兮盡斯人而咸作

仙巖賦

伊東嘉之崛竒侔中州之嶽瀆嗟仙巖之靈蹤尤
不遠於邦族假浮灑而須臾感霞標於雲木遵盤
桓之花蹊度晡暝之林麓負大羅而嶽峯絕九斗
而孤矗面虎溪以下流背青冥而上浮行控鴻之
禪宮聊小憇兮危樓追平生之焉如迺遲遲于茲
遊曾五岳之遐慕忽跬屐而弗求微之子之冥搜
孰能成乎人間之丹丘試憑軒而徙倚羗連蜷而
未已叢樹挺其阿鳴鳥集其岵尋仙源而踟躕挹
白蓮之倚狃古榕輪困於曾厓翠葆離披於綠泚

芳亭崛起兮中山曲渠四周而流水水清淺兮湯
湯紛蹲夷兮泛羽觴嗟平陸之多險巖樂茲山之
可以徜徉爾乃迅征而直上蹇一肩乎垂堂跨翠
微兮懸磴俯澄潭兮危梁踐絕冥于側岳渺石磳
于峻岡武欲前而更踣視方逞而周章既騰躋乎
偃蹇始曠矚乎平莊平莊兮高臺懷衮衣兮安在
哉肆崖突而竇出忽窈窕以中開駭歎傾而躩踞
訝詰曲而徘徊何寥寂鷹翳乎危哉又滴瀝澎瀾
而殷其雷石壁兮沉沉而鞞而瀑泉又復落落而

隆頽不知邈迤礫嵬其幾千尺與飛流激石天矯
而相脛竹陰陰兮晝欲雪行蘧蘧兮路將絕既樂
者之在斯豈鄉道而中輟理焉往而不窺誠雖眇
而必徹龍安禪以深潛虎馴法而不齧警鸞凰以
前驅采桂芝以糜藥靈姑髣髴而楸櫟群仙戍削
而康樂宛三皇之舊蹤傳黃帝之真訣煉以丹井
之膏汲以靈池之滌悟卽新以靜寧羗屏物以皆
滅刀將藏於四顧臂已經於九折雖靜躁之殊塗
等忘言於一轍迺若跋頽水兮難攀逝孤竹兮不

可還二老既發悟於卽禽向平又肆意于名山黃
綺終南而采策子陵富春以臨湍紛古人之高蹈
兮諒非吾心之所安

龍門集卷七

終

可選二尤既發悟於即會向乎又肆意于名山黃
綺終南而承榮于後當春以臨端粉古人之高蹈
今諒非吾心之所安

龍門集卷七

